

Lid ar peoc'h :

Ar beleg : Salver Jezuz-Krist... a-holl-viskoazh da virviken.

Peoc'h hor Salver a vo bepred geneoc'h.

R/ : Ha get ho spered !

Oan Doue :

Oan Doue a lam pec'hedoù ar bed : ho pezit truez doc'homp ! (bis)

Roit deomp ar peoc'h !

Kent ar gomunion :

Ar beleg : Setu Oan Doue, setu an hini a lam pec'hed ar bed :

Eürus ar re a zo galvet da bred santel an Oan.

**R/ : Man Doue, ned on ket dign ma tait davedon,
met lârit ur ger hepken hag e vo aesaet din.**

Komunion :

1 Adoromp holl, er Sakremant ag an aoter,
Un Doue kuzhet, Jezuz hor Mestr hag hor Salver !
Get hor bouezh, hor c'halon, hon oberoù santel,
Meulomp erhat un Doue a ziskenn ken izel,
A ziskenn ken izel !

2 O ma Jezuz, aveit reiñ deomp gwir koñfortañ,
C'hwi 'n em laka bemdez dindan an aparañs,
Plijet geneoc'h reiñ deomp holl ho tonezonoù,
Ha skuilhiñ àr ho pobl ho pinvikañ grasoù,
Ho pinvikañ grasoù !

3 Aeled an neañv, amañ diskennit, m'ho kouvi,
Daet da sekour kaniñ da Vab Doue meuleudi ;
Gloar ivez d'an Dreinded, tri person en un Doue,
Gloar bremañ àr an douar, ha gloar berped en ne,
Ha gloar berped en ne !

'Cit kloziñ an oferenn :

Ar beleg : An Aotrou Doue geneoc'h :

R/ : Ha get ho spered !

Ar beleg : Doue hollgelloudek d'ho pennigiñ :

An Tad, ar Mab hag ar Spered Santel.

R/ : Amen !

Ar beleg : Kerzhit e peoc'h hor Salver :

R/ : Bennozh da Zoue !

Kan-dibenn :

Un Ael a-berzh an Aotrou Doue,
Da Vari a lâras un deiz :
Mari, Doue en deus ho choazet
Veit bout Mamm da Salver ar bed.

Kentezh, hervez komzoù an Ael,
Dre gelloud ar Spered Santel,
Mab-Doue a zo bet koñsevet,
E-mesk an dud en deus bevet.

Ar Werc'hez a respont neuze :
Setu matezh an Aotrou Doue !
Ra vo graet din, Ael benniget,
Hervez ar pezh hoc'h eus lâret.

Santez Mari, gwir Vamm da Zoue
Goulennit 'veit ho pugale
Meritiñ bout geneoc'h eürus,
E baradoz ho Mab Jezuz !

Parrez KerAnna

Gouel ar Rouaned / 5 a viz Genver 2025

1ⁿ lenn. : Iz 60,1-6

2^l lenn. : Ef 3,2..6

Aviel : Mù 2,1-12

Kan digor :

| | |
|------------------------------------------------------------------------------------------------------------------------------------|--------------------------------------------------------------------------------------------------------------------------------------------|
| 1 A pa oa ganet hor Salver, En ur c'hozh marchaosi dister, Ag ar gêrig a Vetlehem, Div levig doc'h Jerusalem. | 2 'N em ziskouez a reas en un taol Ur sterenn nevez er sav-heol ; Hag a lakaas da vout souezhet, Ha pobl, ha rouaned, ha priñsed. |
| 3 Ar rouaned a yas 'barzh an ti, a gav he c'hrouadur get Mari : Doh treid Jezuz eo e stouont, Hag 'vel o Doue en adoront. | 4 Aour, ezañs ha mir a brofont, Ha dre-se mem e anavont : Emañ o Doue, emañ o Roue, O Salver, gwir Den ha gwir Doue. |

Salud d'ar bobl :

*Ar beleg : Gras hor Salver Jezuz-Krist, karantez Doue an Tad
hag unaniezh ar Spered Santel, ra vint geneoc'h-holl :*

Respont : Ha get ho spered !

Kyrie

Glória : (Guilloù) Gloria ! Gloria ! In excelsis Deo ! (2 wezh)

Peoc'h àr an douar d'an dud karet getoñ ; Ho meuliñ a reomp. Ho trugarekaat a reomp. Hoc'h adoriñ a reomp. Enor deoc'h a ganomp ha mil bennozh aveit ho kloar hep par. Aotrou Doue, Roue an neañv, Doue an Tad hollgellougek. Aotrou, Mab unganet, Salver Jezuz. Aotrou ha Doue, Mab an Tad. C'hwi hag a lam pec'hedoù ar bed, ho pet truez doc'homp. C'hwi hag a lam pec'hedoù ar bed, degemerit hor pedenn. C'hwi hag a zo azezet en tu dehoù d'an Tad, ho pet truez doc'homp.

Rak C'hwi hepken a zo santel. C'hwi hepken a zo Mestr. C'hwi hepken a zo uhelmeurbet, Salver Jezuz, Get ar Spered Santel, e gloar Doue an Tad. Amen !

Lennadenn getañ : Lennadenn tennet a levr Izai

Savit, Jeruzalem, ha lugernit, rak daet eo ho sklerijenn ha paret eo àrnoc'h splannder an Aotrou, p'emañ an deñvalijenn é c'holojiñ an douar, hag an noz du ledet àr ar pobloù. Met àrnoc'h-c'hwi e par an Aotrou, àrnoc'h en em ziskouez e c'hloar ; hag e kerzh ar broadoù davet ho sklerijenn, hag ar rouaned davet splannder ho kouloù-deiz. Savit ho taoulagad ha sellit tro-dro deoc'h ! An holl en em vod evit donet devadoc'h ; ho maboù a arriv a-ziabell, hag ho merc'hed 'zo douget àr an divrec'h. É welet kement-se e veet leun a joa, ho kalon a drido e bar he levenez, pa zay devadoc'h pinvidigezhioù ar mor, pa zay devadoc'h trezolioù ar broadoù. Tropelladoù kañvaled a c'holoay ho touar, dremedaled a Vadian hag a Efa ; holl dud Bro Saba a zeredo en ur zegas gete aour hag ezañs.

Setu komz an Aotrou Doue : Bennozh da Zoue !

Psalm 71 : Hoc'h adoriñ a ray, Aotrou, holl vroadoù an douar.

O, Doue, roit d'ar Roue ho reizhder evit barn,
hag ho spered a justis da vab ar Roue ;
dezhañ da ren ho pobl get eeunded,
hag ho peurizion hervez ar gwir.

Ar justis a vleuñvo en deizioù-se
ha peoc'h an tier keit ha ma pado al loar.
Ha ren a ray ag an eil mor d'egile,
ag ar stêr betek fin an douar.

Rouaned Tarsis ha re an Inizi a brofo dezhañ roadoù,
rouaned Arabia ha re bro-Saba a zegaso donezonoù.
An holl rouaned a soublo dirazañ,
an holl vroadoù er servijo.

Rak dieubiñ a ray an den paour é c'hervel,
an ezhommeg diskoazell.
Truez en devo doc'h an den gwan ha maleürus,
salviñ a ray buhez ar baourerion..

Éil lennadenn : Lennadenn tennet a lizher an Apostol Paol d'an Efeziz.

Breuder, klevet ho peus moarvat peseurt gras en deus Doue roet din
abalamour deoc'h : dre ziskuliadur, emañ bet roet din da anavet ar Mister-se am eus
displeget deoc'h e berr gomzoù; ha diâr ma lenn e c'hellit kompren ar skiant am eus
a Vister ar C'hrist. Ar Mister-se ne oa ket bet roet da anavet da vugale an dud, en
amzerioù tremenet, met dizoloet eo bet bremañ d'e apostoled santel ha d'e brofeted
dre nerzh ar Spered. Hag ar Mister-se a zo gouiet penaos ar Baïened, int ivez, a zo
kenheriterion ag an hevelep madoù, kenizili ag an hevelp korf, kenlodeion en hevelep
gratadenn, er C'hrist Jezuz, dre bredeg an Aviel.

Setu komz an Aotrou Doue : **Bennozh da Zoue !**

Allelouia : Allelouia, Sklaeder ar Broadoù ! Allelouia, Jezuz-Krist a youc'homp !

Ar beleg : *An Aotrou Doue geneoc'h* : **Ha get ho spered.**

Ar beleg : *Lennadenn ag an Aviel santel hervez St Mazhev.*

Ar bobl : **Gloar deoc'h-Chwi, ô Aotrou Krist !**

Aviel : *A pa oa ganet Jezuz e Betlehem Juda, e gre ar roue Herod, setu daet
majed ag ar Sav-heol da Jeruzalem. «E-men emañ dre-mañ, eme-int, ar roue nevez a
zo ganet d'ar Yuzevion ? Rak gwelet hon eus e sterenn er Sav-heol hag eh omp daet
d'en adoriñ.» É klevet ar c'homzoù-se, ar roue Herod a oa bet trevariet, ha
Jeruzalem a-bezh àr-un-dro getañ. Kentizh, eñ aet ha tolpiñ an arc'hveleion ha
doktored ar bobl, hag o atersiñ e-men e oa dleet d'ar Mesi donet er bed. «E
Betlehem-Juda, eme-int ; rak 'vel-mañ emañ bet skrivet get ar profed : Ha te,
Betlehem-Juda, ned ous ket an disterañ e-mesk ar c'hêrioù ag ar Jude ; rak ahanah-
te e tay ar mestr a zlee reniñ ma fobl a Izrael.» Neuze, Herod, goude bout galvet ar
Majed dre guzh, o aters ervat da c'houiet gete pegoulz en o doa gwelet ar sterenn;
ha doc'h o c'has da Vetlehem, eñ a lâz dezhe : «Kerzhit, ha lakait poan da aters a-
zivout ar c'hrouadur. Hag a pa vo kavet deoc'h, degasit kemenn din 'veit ma yin, me
ivez, d'en adoriñ.»*

*Arlerc'h bout klevet an dra-se get ar roue, int en em laka en hent. Ha setu ar
sterenn o doa gwelet er Sav-heol é vonet en o-raok, ken a zeua da chom a-drest al
lec'h ma oa ar c'hrouadur. É welet ar sterenn, e teua d'o c'halonoù berviñ get ul
levenez hep par. Hag, aet en ti, int e gav ar c'hrouadur get Mari, e vamm, hag a
stoui d'en adoriñ. Int neuze ha digoret o zrezolioù ha kinniget dezhañ profoù : aour,
ezañs ha mir. Hag, 'vel ma oa bet difennet doc'h te, dre o c'houk, a vonet en-dro da
gavet Herod, int a yas d'o bro dre un hent arall.*

En dibenn : ar beleg : Setu Komz an Aotrou :

R/ : Meuleudi deoc'h, ô Aotrou Krist !

Kredo : **Me 'gred e Doue, an Tad hollgelloudek,** Kroueour an neañv hag an
douar, hag e Jezuz-Krist, e Vab unganet, hon Aotrou, a zo bet koñsevet dre nerzh
ar Spered Santel, ganet ag ar Werc'hez Vari, en deus gouzañvet dindan Poñs
Pilat, a zo bet staget doc'h ar groaz, marvet ha bet lakaet er bez, diskennet d'an
ifernioù, daet a varv da vev an drivet deiz, pignet d'an neañv, hag azezet en tu
dehoù an Tad, a-eno e tay da varn ar re vev hag ar re varv.

Me 'gred er Spered Santel, en Iliz santel katolik, e kumunded ar Sent, e pardon ar
pec'hedoù, e adsav ar re varv, er vuhez peurbadus. Amen !

Pedenn hollbedel : **Aotrou Doue, ô Tad Santel, selaouit hor pedenn !**

Lid ar profoù : *ar beleg : Pedit, mam breuder, ma plijo get Doue an Tad holl-
gelloudek degemer ma sakrifis a zo ivez ho hani-c'hwi :*

**R/ : Plijet get Doue en degemer ag ho taouarn, aveit e c'hloar hag e veuleudi,
aveit hor mad-ni hag hani an Iliz.**

Prefas :

Ar beleg : An Aotrou Doue geneoc'h :

R/ : Ha get ho spered !

Ar beleg : Hor c'halon d'an uhel :

R/ : Emañ troet trema Doue !

Ar beleg : Trugarekaomp hon Aotrou Doue :

R/ : Just ha santel eo !

Santel : **Santel ! Santel ! Santel ! An Aotrou Doue, Mestr ar bed !**

Lan eo get ho kloar an neañv hag an douar : **Hosanna e lein an ne !**

Ra vo benniget an hani a za e anv an Aotrou Doue : **Hosanna e lein an ne !**

Gorreoù : **Ra vo meulet !**

Hon Tad :

hag a zo en neañv, hoc'h anv ra vo santelaet,

Ho rouantelezh degaset deomp,

Ho vennantez ra vo graet àr an douar 'vel an neañv.

Roit deomp hiriv hor bara pemdeziek,

Pardonit deomp hor pec'hedoù,

'vel ma pardonomp d'ar re o deus pec'hed doc'homp,

Ha n'hon laosket ket da gouezh en tantasion

Met hon diwallit doc'h an droug.

Ar beleg : Plijet geneoc'h, Aotrou Doue,... ha distro hor Salver Jezuz-Krist :

**R/ : Rak deoc'h-C'hwi, Aotrou Doue, emañ ar Rouantelezh, ar gelloud hag ar
gloar a-holl-viskoazh da virviken. Amen.**